

Noticia
Transparente
di Gobierno

ISLA ONLINE

Diaranson 13 November 2024

Email: IslaOnline@gobierno.aw Tel: 528-4952

ARTE DI MURAYA
SAN NICOLAS



**STABILIDAD
Y
PROSPERIDAD**

2 0 2 4



Gabinete Wever-Croes



PROME MINISTER TA FELICITA REINA BEATRIX SCHOOL CU NAN BIBLIOTECA ESCOLAR 'BEA'S BIEB'



Dialuna 11 di november, Prome Minister Evelyn Wever-Croes tawatin e honor di ta parti di e apertura di 'Bea's Bieb', e biblioteca escolar na Reina Beatrix School. Bea's Bieb ta parti di un proyecto di Biblioteca Nacional Aruba (BNA) cu ayudo y guia di nan departamento Mediateca Escolar, bou di e proyecto di dBos (De Bibliotheek op School).

Ya pa un tempo BNA ta traha den cooperacion cu "Stichting lezen" di Hulanda cu a bin cu e iniciativa pa tin school bibliotheken cu e proyecto dBos, y Reina Beatrix School ta e prome scol cu a habri su biblioteca escolar. Aparte di Reina Beatrix School, tambe tin 2 scol basico mas, 2 speelschool, y 1 scol secundario cu ta parti di e prome ciclo di e proyecto aki.

Lesamento ta hopi importante pa mucha- y hobennan. E ta siña nan palabra y conceptonan nobo y esaki ta amplia nan

vocabulario y ta mehora nan habilidadnan linguistico. Tambe e ta siña nan con pa procesa y structura informacion y tur esaki ta hunga un rol importante den nan prestacion na scol y nan futuro en general.

"Cu 'Bea's Bieb', un biblioteca na scol, e muchanan por cera conoci cu e mundo di lesa, cu ta habri un mundo di posibilidad pa nan. Pabien na Juffrouw Grainger di Reina Beatrix School. Danki na Biblioteca Nacional y su directora Astrid Britten y henter su ekipo, y tur cu a traha hopi duro pa haci e proyecto un exito. Tur cos ta muestra cu ta bay habri e di dos ciclo unda BNA hunto cu dBos lo yega na mas biblioteca pa scolnan na Aruba. Esaki lo yuda incentiva y haci lesamento mas atractivo pa nos mucha- y hobennan, y asina nan por siña hopi mas di bida lesando", Prome Minister a expresa.





MINISTER MADURO DI FINANSA TA MUSTRA CALCULO DI PROMESA POLITICO PA HISA PENSIOEN CU 50% VIA REPARATIE TOESLAG



Den conferencia di prensa Minister Maduro di Finansa a splica riba e promesa cu ta wordo haci pa politiconan cu ta bay hisa e pensioen di biehez cu 50% via reparatietoeslag.

E mandatario a laga Departamento di Impuesto hunto cu SVB haci e calculo y ta resulta cu pa hisa e pensioen via reparatietoeslag cu 600 florin, esaki lo costa casi 160 miyon florin den aña 2025, mas di 160 miyon den aña 2026 y casi 170 miyon den aña 2027.

Minister Maduro a splica cu e sumanan aki ta hopi halto pa Gobierno y Pueblo paga, ya cu pa paga e 160 miyon aki, lo mester uza ful e surplus, keda sin paga debe bieu, keda sin haci inversion y mester bay fia 100 miyon florin tur aña pa por paga e suma aki. Sin conta e problema cu lo bin cu e supervision financiero di CAFT, ya cu si mester uza ful e surplus, Aruba no lo por cumpli cu e norma financiero di 1% di GDP na surplus.

Pues cu otro palabra, e promesa politico di bay hisa pensioen cu 40%, 50% etc etc, no por wordo cumpli. Ta djies un promesa bashi di e mesun politiconan cu a priminti di elimina BBO na aña 2009. ■■■



MINISTER DI FINANSA TA INFORMA: UN BISTA RIBA FINANSA PUBLICO

Thans kost het RT bedrag van Afl.200 voor gepensioneerden Afl. 52,16 mln per jaar.

Een verhoging van het RT bedrag tot Afl. 600 (voorstel Mike EMAN) zal het Land op jaar basis **Afl. 156,48 MLN** (21.733 x Afl.600 x12) gaan kosten. (2025)

Prognose: verhoging RT bedrag tot Afl. 600 per maand voor gepensioneerden.

Jaar	Gemiddeld aantal AOV - gerechtigden	Totaal Bedrag
2025	21.733	156,48
2026	22.665	163,12
2027	23.557	169,61

2026: 22.655 x Afl. 600 x 12 = Afl. 163,12 MLN

2027: 23.557 x Afl.600 x 12 = Afl. 169,61 MLN

Dus ruim Afl. 100 MLN meer!!!!

Redobla pensioen via **reparatietoeslag** ta costa Pueblo **160 miyon florin pa aña!**

Extra gasto di 100 miyon florin cu Gobierno no tin y mester bay presta placa y traha mas debe pa Pueblo paga.

Mike su promesa ta bashi, mescos cu elimina BBO na aña 2009.



MINISTER DI TURISMO A RICIBI PRESENTACION FOR DI ARUBA TOURISM AUTHORITY, INTRODUCIENDO IDEANAN NOBO PA AÑA 2025




Awe merdia, durante un reunion, Minister Dangui Oduber hunto cu e board di Aruba Tourism Authority (ATA) a ricibi un presentacion unda a presenta strategia di mercadeo inovativo pa Aruba pa aña 2025. E presentacion aki, duna door ATA, den colaboracion cu Deep Focus Agency y Zeno Group, a introduci e marcadeo di estrategia pa branding y communication pa e aña venidero.

E campaña di mercadeo "The Aruba Effect" a wordo lansa na aña 2022, cu su enfoke pa haci e invitadonan sinti alegria y contento ora nan pensa y bishita Aruba. Awo ta tempo pa sigui evoluciona e strategia di mercadeo. Aña cu ta bin aki, e campaña nobo ta bai mas leu ainda.

E slogan "FEEL IT, WANT IT, GET IT, PROTECT IT" a wordo enfatisa tur caminda durante e presentacion.

E mensahe aki ta enfoca riba turismo sostenibel, subrayando cu ta importante pa nos bishitantenan tuma responsabilidad pa cuida y respeta e ambiente di Aruba mescos cu nan ta cuida nan cas y pais.

Varios punto importante a wordo resalta den e presentacion, reconociendo di nobo cu e miho asset di Aruba ta su hendenan amabel y cordial.



Algun di e estrategianan nobo cu a wordo introduci ta:

- Refresca "The Aruba Promise"
- Mostra e bunitesa natural di Aruba via visual y imagen micro y macro
- Enfatisa "Masha Danki Culture" como un di e miho assets di Aruba, resaltando hospitalidad Arubiano
- Mostra e campaña resiente "Paradise on Tap", cu a haya reconocimiento mundial cu ta enfoca ariba awa di Aruba, reconociendo cu e ta un di e miho den mundo.

Minister Dangui Oduber a keda masha agradecido cu e presentacion di e campaña di mercadeo pa Aruba pa 2025 y ta desea e team di Aruba Tourism Authority tur cos clase di exito.

2024

AÑA DI STABILIDAD Y PROSPERIDAD



Gabinete Wever-Croes

Ora nos cana den cayanan di San Nicolas cu ta dorna cu artenan mahestraal aki, nos ta realisa cu bunitesa por wordo haya den luganan menos spera. Arte di muraya ta e language visual cu ta conecta culturanan, na unda cu por aprecia historia, color, fantasia y dedicacion.

